

“AMUDARYO DAM OLİSH MASKANI”DA AHOLI UCHUN KO’NGILOCHAR KONSERT DASTURI BO’LIB O’TMOQDA

“AMUDARYO DAM OLİSH MASKANI”DA AHOLI UCHUN KO’NGILOCHAR KONSERT DASTURI BO’LIB O’TMOQDA

Termiz shahridagi Amudaryo dam olish maskanida bugundan aholi va shahrimiz mehmonlari uchun bo’sh vaqtlarini mazmunli o’tkazishga qaratilgan ko’ngilochar madaniy tadbirlar boshlandi. Ushbu tadbiriga mahallalardan tashrif buyurgan otanalar o’z farzandlari bilan ishtirok etishib, maroqli hordiq chiqarishdi.

Tadbirda shahar madaniyat bo’limining xushovoz xonandalari tomonidan ijro etilgan kuy-qo’shiqlar va bolajonlar uchun sahnalashtirilgan ertak va multfilm qahramonlarining chiqishlari ishtirokchilar qalbiga bir olam quvonch bag’ishladi.

Go’zal taronalarga raqsga tushgan ishtirokchilarning shodligi, ayniqsa turli ranglarda jilolangan musiqali fontan atrofida sayr qilgan bolajonlarning quvonchi bir biriga ulandi.

Ma’lumot o’rnida Termiz shahridagi Amudaryo dam olish maskanida har kuni soat 19-00 dan ko’ngilochar madaniy tadbir boshlanishini ma’lum qilamiz.

Keling, tomosha qiling va maroqli dam oling!







